



**V**on Gottes gnaden Wir Georg Hertzog zu Sachsen Landtgraff in Düringen vnd Marggraff zu Meissen / Fügen mēiglich dem disse vnser Bergk ordenung fürkompt zuornemen / Nach dem vñ als Wir vorschinner zeit nach vorgehaltenem Rathe zuerhebung vnd fürderung vnser Bergkwerck auff S. Annaberg / vñ an andern vmbliegenden örtern. Auch der ihenigen so dieselbigen Bergkwerck bawen / eine Bergkordnung auffgericht / dieselbige anfencklich vnd dornach in vorgangenem zwaintzigstem jhar inn Druck bringen / vnd öffentlich haben außgehen lassen. Vnd nuemals angezeigte Bergkordnung vnd derselbigē Exemplar fast verführet / also das sie schwerlich meher zubekomen. Auch mitler zeit auff erforderung der notdurfft / vnd das sich die felle dornach zugetragen / vber beruete Ordnung etzliche viel Newe Artickel geordnet / welche zumtheil die alden auffheben / vñ zumtheil deuten vnd ercleren. Also das einem yeden Bergkmanne / vñ sonderlich denen die do Bergsachen zuführen / darinnen zurathen odder zusprechen sich vnderstehen / höchlich von nöthen solche Bergkordnüg zuhaben / domit sie sich dornach richtē / ihren vnd der Bergsachen nutz vnd frohmen suchen / den selbigen recht vorstehen / gepürlichen entscheiden / vñ vor schaden / nachteil vñ weitlenfftigkeit vorwaren mögen. Vñ Wir dann auch die Bergkwerck vñ alle die ihenigen so dieselbigen bawen / vñ was zu ihrer fürdrung dienstlich / mit besondern gnaden zufürdern geneigt / So haben Wir befolhen / dieselbige alte Bergkordnung / sampt den Newen Artickeln / so wie berurt / mitler zeit gemacht vnd geordnet / in ein Büchlein zusammen zubringen / vñ mit kurtzen Sūmarien / auff das  
man